



Шочмо эл, порылык да чын верч!

Будь готов /

15-ше (3766) №,
2026 ий 17 апрель,
кугарня

Ямде лий



0+

1933 ий 1 февраль годсек лектеш.



18
АПРЕЛЯ
Ежегодная всероссийская акция
БИБЛИОНОЧЬ - 2026

Книгагудо – усталык рүдөр

Жапын йодмыжым шотыш налын, кызыт книгагудо книгам аралыше да усталыкым, икте-весе кокласе кылым виандыше рүдөрыш савырнен. Тудын йолташыжым ешараш манын, 18 апрельште Российыште «Библиойүд» акций латвизымше гана эртаралтеш. Тений акций Россий калык-влакын икоян улмо идалыкклан пöлеклалтын.

Марий Эл Республикысе 130 утла библиотекеште вашлиймаш, лекций, ончер да моло меропрятийлам эртарат. Морко район Шордур ялысе книгагудыш-

то эртарыме «Россий калык-влакын икоян улмо идалык» интерактивный модышыш үдыр-рвезе-шамыч уло кумылын ушненыт.

– Ялысе библиотеке 1934 ий гыч нашам ышта. Тачысе кечылан фондзыто 7000 утла книга уло. Икиве-влак фантастике сынан слынымутым лудаи йöратат. Мемнан школ да клуб дене вашкылна пенгыде, пырля нашам ыште-на. Йоча-шамычым «Мастерилка» клубышто киднашалан тунькте-на. Изирак ийготан-влак чүчкыдырак толыт, мероприятийлаш-тат икеныштым чолган ончык-

тат, – ойла книгагудо вуйлатыше Светлана Евгеньевна Семёнова.

Акция радамыште эртарыме модыш годым йоча-влак викториныште уш-акылыштым тергеныт, мастер-классыште матрешкым чиялташ тунемыныт (снимкыште).

– Интерактивный модышыш ушнен, Российысе калык-влак нерген шуко ум пален налын-на. Матрешкым чиялташ моткоч келшен. Йолташем-влак дене пырля книгагудыш кошташ йöратена, – ойла Анелия Михайлова.

Катя СЕРГЕЕВА.
Авторын фотожо.

ПОДПИСКЕ

Пагалыме ача-ава, коча-кова, туньктышо, йоча-влак! 2026 ийын кокымшо пелийжылан «Ямде лий» газетлан подпискым ышташ вашкыза. Индекс – П4696. Ак: 517 тенгеат 86 ыр. Тыгак редакций гоч газетлан возалташ лиеш: ак – 200 тенге.

Реклама



Мурыжо курымеш йонга

25-26 апрельште М.Шкетан лумеш Марий кугыжаныш драме театрын сценыштыже «Палантай» спектакль-концерттын премьерыже лиеш. Постановко икымше марий композитор, марий профессионал музыклан тунгалтышым пыштыше Иван Степанович Палантайын 140 ияш лумгечыжлан полеклалтеш.

Тидын шотышто 14 апрельште Йошкар-Олаште И.С.Ключников-Палантайын тоштер-пёртыштыжө пресс-конференций эртаралтын. Журналист, блогер-влак да ты мероприятийыш ушнышо кумылан кажне ен дене театрын художественный вуйлатышыже Р.Ю.Алексеев, композитор Г.В.Архипов, Палантайын рольжым модшо самырык артист

А.А.Алексеев да Иван Степановичын пелашыжын рольжым модшо С.А.Скулкина вашлийыныт. Нуным **снимкыште** ужыда.

– Спектакльлан Иван Степановичын илыш корныж гыч икмыняр эпизодым налынна. Тун шотышто концерт-влаклан ямдылалтмыжым, хорым погымыжым да 120 еным Москошко выступатлаш каяш таратымыжым ончыктена. Постановкым кызытсе пагытлан келыштаренна. Шудӧ ий эртымеке, Палантайын мурыжо-влак кузе йонгат? Тиде йодышлан вашмутым театрыште муыда, – палемдыш Роман Юрьевич.

Оля МАЙКОВА.
Авторын фотожо.

«Марий меранг»



Марий Элыште «Навигатор йолташ» марий йоча модыш конкурсум увертарыме нерген паленналмеке, Морко район Энгерсо-

ла школышто тунемше орлёнок Кира Тарасова (**снимкыште**) вигак кумылангын. Тудо «Марий чодыр-расе мерангым» ямдылен. Тиде тыглай пушкыдо модыш огыл. Меранг – унам вашлийын моштымашын да шочмо мландым пагалымашын символжо. Кира модышыжым марий тӱр дене сӧрастарен.

Тыгай конкурсум пайдаже моткоч кугу. Йоча-шамыч кидпашалан шумангыт, икшыве ден кугыен коклаште вашкыл пенгыдемеш, шочмо кундеммын, ешын поянлыкшым аклаш тунемыт.

Киралан конкурсумшто сенгымашым тыланена!

Галина СОШИНА.
Фотом школ архив гыч налме.

Российысе увер

«Книга будущего» тунямбал конкурсум 14 ий деч кугурак ийготан удыр-рвезе-влак ушнен кертыт. Келшыше тагасым ойырен, 15 май марте пашам колтыман. Тӱрыс увер – mospolytech.ru сайтыште.

Илышым сай могырыш вашталташ кумылан улыда гын, #МЫВМЕСТЕ тунямбал премий дене пайдаланен, шонымыдам шуктыза. 24 май марте премия.мывместе.рф сайтышке йодмашым колтыза.

«Диктант здоровья – 2026» всероссийский акция кум модулян. Икымшыже 24 апрель марте шуйна. Шинчымашым диктант-санпросвет.рф сайтыште 7 ий деч кугурак ийготан кажне ен терген кертеш.

Марий Элысе увер

«Лучшая детская школа искусств» всероссийский конкурсум регионисо йыжынже 8 июнь марте шуйна. Тагасымашке оласе да ялысе йоча сымыктыш школ-влак ушнен кертыт. Кумданракын rfartcenter.ru сайтыште лудса.

24 апрельште Марий кугыжаныш университетыште Почмо омса кече эртаралтеш. Удыр-рвезе-влакым Педагогике институтын корпусыштыжо 11 шагатлан вучат.

Йошкар-Оласе Т.В.Иштрикова лумеш «Синя птица» гимназийыште тунемше Полина Зуева руш йылме дене всероссийский олимпиадыште сенгышыш лектын. Удырым да туныктышыжо Татьяна Леонидовна Буравам уло кумылын саламлена!

Илышым шымлен, куаным пöлекла

Кызытсе жапыште фотографииым кумылан кажне ен ыштен кертеш. Тидлан кид йымалне уло телефон кугун полша. Но фото ойыртемайтше да шкешотан лийже, кужун аралалтше манын, тунемман. Теве Йошкар-Оласе 32-шо номеран школышто «Самырык фотограф» кружок пашам ышта. Тудым Марий Эл Республикысе тўвыран сулло пашаенже, кугу опытан фотограф Иван Речкин вўда. Йоча-шамыч урок деч вара арняште кок гана погынат.

– *Ме эн ончыч шымлаш тунемына. Мом? Пўртўсым, воктен уло еным, пагытым, кайыкым, икманаш, илышым, –* ойла Иван Никандрович. – *Ойыртемайтшымым ужсын, фотом ыштена. Эскерен моштет гын, айдемын шинчаончалтышыжым, койыш-шоктышыжым умылаш лиеш. Еным фотографироватлалташ туныктыман. Теорий дене пырля практикылан шуко жапым ойырена.*

Кружокын паша лектышыжат палдырна. Самырык фотограф




Артём Ольховатовын икымше усталык ончержым шукерте огыл келыштареныт. **Снимкыште** Иван Речкин ден Артёмым ужда. Рвезе 4-ше «Г» классыште тунемеш. *«Кеч-могай у пашам тўналаш икшывын кумылжо лийшааш. Тунам веле тудо лектышым пуа, – манеш И.Н.Речкин. – Артём тыгай койыш-шоктыш дене ойыртемайтеш. Тудын илышым умылымашыже шкешотан».*

Иван Речкин шкежат 5-ше классыште тунеммыж годым фото пашалан кумылангын да витле ий наре ты сомылым шукта. Марий кугужаныш университетыште тунеммыж годым фото-корреспондент пашам 1978 ийыште «Ямде лий» йоча газетыште тўналын. Ий гыч ийыш шинчымашыжым пойдарен, тўрлö газет редакцийыште паша опытым виянден. Кызыт Марий Эл Республикысе «Марий Эл» увер агентстве» кугужаныш учрежденныйыште ышта.

У Торъял район Шавыксола алын эргыже Иван Речкин 19 апрельыште 70 ияш лўмгечыжым палемда. Уста фотографым чапле юбилейже дене шокшын саламлена. Кужу ўмырым, пиалым, пенгыде тазалыкым тыланена. Профессионал пашат эре куаным кондыжо.

*Людмила ГРИГОРЬЕВА.
Фотом кружокын архивше гыч налме.*



Абрамовын корныж дене

Шукерте огыл Пöтгял школышто профессор, биологий шанче доктор, Марий Эл Республикысе шанчын сулло пашаенже Н.В.Абрамов лўмеш «Росток» школысо шанче-практике конференций эртаралтын. Николай Васильевич тале туныктышо, мер пашаен, редактор лийын. Марий кундемысе кушкыл-влакым шымлен, книгамат возен.

Меат шымлыме пашалан шўман улына. Эн ончыч класс дене почвым физике да химий могырым шымленна. Ты мландыште

шожын кузе кушмыжым эскерена. Тиде паша дене школысо конференцийыш Ксения Озеркина дене пырля ушненна (**снимкыште**) да сенышыш лектынна. Мемнан пашанам Николай Васильевичын шўжарже Елизавета Васильевна Фёдорова аклен.

Вара «Мой первый шаг в науку» Юл кундемысе шанче форумыш минам да кумшо верыш лектынам. Кумылем нöлгалтын, эше утларак шымлаш шўманынам.

*Яна ТИМОФЕЕВА.
Волжский округ.
Фотом школ архив гыч налме.*

«Ит ойгыро, ўдырем»

Жап моткоч писын эрта. 9-ше, 11-ше класслаште тунемше-влак экзаменлан ямдылалтына. Школышко консультацийыш коштына, мöнгыштат ятыр жап шинчылташ логалеш. Туныктышо-влак келге шинчымашым пуат. Иктаж-мом сайын огына пале – умылтарат. Чонышто тургыжланымаш кумыл садак озалана. Мöнгыштö авам эре тыге лыпландара: «Ит ойгыро, ўдырем, чыла палет, экзаменым садак кучет». Заданий-влак куштылго огытыл, ушым пудыраташ таратат. Но тунемат гын, неле огыл. Мый сайлан веле ўшанем.

*Юлия ЯГОДАРОВА.
Советский, Кельмаксола.*

Тений ОГЭ-н тўн йыжынгже 2 июнь гыч 6 июль марте эртаралтеш. Единый кугужаныш экзамен 1 июнь гыч 9 июль марте лиеш.



Ф И З К У Л Ъ Т - У Р А

У Торъял посёлкышто фитнес-аэробикылан кугу тўткышым ойырат. Спортын тиде видшылан тренер К.Н.Созонова кумыланда. Фитнес-тренерлан тунем лекмеке, 2024 ий мучаште йоча-влакым поген. Кумылан-шамыч ятырын улыт. 4-14 ияш ўдыр-шамыч посёлко гыч веле огыл, эсогыл ялла гычат толыт. Арнялан кум гана вашлийыт, шагат дене капкылыштым шуарат. Танасымаш деч ончыч кок шагат дене ямдылалтыт.

Палаш онай, фитнес-аэробике йочан чонжым мо дене сымыстара? – *Ўдыр-влак кугу кўкшытыш шуышт манын, пенгыдын йодам гынат, занятийш кумылын коштыт. Тренировка онайын эрта. Изирак ийготан-влак дене модыш йоным кучылтам. Нуно кугурак ийготан-шамычым ончат, сенымашке шуаш кумы-*

лафьт. Келиыше мурым шке ойырем, тидат ўдыр-влакын кумылыштым нўлта. Упражнений-шамыч куштылго огытыл, но кыртмен пашам ышташ, правилым, методикым шотыш налаш гын, лектыш лиеш, – ойла Кристина Николаевна.

Спортын ты видше капкылым, чогашылым виянда, тупым тура кучаш тарата. Тудо хореографийым, гимнастикым, растяжкым иквереш уша. Тыгак чытышан, виян лияш, капкылым шижаш туныкта. Тўшкаште йоча икте-весе дене кылым кучаш, кутыраш тўналеш. Тўрлў танасымашке ушнен, койыш-шоктышыжым виянда.

Куд тылзе наре ямдылалтмеке, ўдыр-шамыч Йошкар-Олаште эртаралтше фитнес-аэробике дене регионсо фестивальыште танасеныт. Кум командыжат сенгыше-влак ра-

дамыш лектын. Вара Волгоградш каяш ныл тылзе ямдылалтыныт. Тушто Кечывалвел федерал округын «Время первых» танасымашыже эртаралтын. Кугу ола гычат медаль да грамот дене пўртылыныт (снимкыште). Шукерте огыл фитнес-аэробике дене Марий Эл Республикын чемпионатше ден первенствыштыже вийыштым тергеныт. «Феникс», «Триумф» командыште улшо-влак дуэт дене кокымшо лийыныт. «Танцевальная аэробика» танасыште «Эффект» команде чылаштым ончылтен.

– *Изи ошкыл дене кугу кўкшытыш шуаш шонена. Занятий годым эре тыге манам: «Йылме дене огыл, кид, йол дене пашам ыште-на. Тунам веле лектыш лиеш», –* палемда Кристина Созонова.

Христина АЛЕКСАНДРОВА.
Фотом командын архиве гыч налме.



У Торъял гыч Волгоград марте



Шерге поянлык

«Тазалык – эн шерге поянлык», – маныт калыкыште. Тидын нерген 7 апрельыште эртарыме Тазалыкын тўнямбал кечыжат ушештарен. Ты пайремым 1950 ий гычак пайремлат. Тений тудын девизше тыге йонген: «Вместе к здоровью. Вместе с наукой!» Тугеже тазалыкнам вияндымаште, аралымаште шанчын, медицинын надырышт

кугу. Ты кече вашеш ўдыр-рвезе-влак дене пырля Марий Турек посёлкысо ий полатыш миенна (снимкыште). Йоча-шамыч коньки дене шер теммеш мунчалтеныт. Капкылым, тазалыкым изинек эскераш тунемаш кўлмым раш умыленыт.

Е.Ю.МЕДВЕДЕВА.
Шернур, Мустай.
Фотом школ архив гыч налме.

Спорт – йолташ

Мый 5-ше классыште тунемам. Спорт дене пенгыде кылым кучем. Ече дене мунчалташ, футбол, волейбол да баскетбол дене модаш йўратем. Сандене кажне кечын спорт секцийыш коштам. Тўрлў танасымаште вием тергем, шуко гана сенгышыш лектынам. Тиде мыйым куандара. Умбажыжат тазалыкем шуараш тўналам.

Арина СМЕРНОВА.
У Торъял, Тошто Торъял.

• Калыкмут •

- Спорт – тиде илыш.
- Йолын коштат – кужу ўмыран лият.
- Тазалык шўртнў дечат шергакан.



Лаптыкым
Оля МАЙКОВА
ямдылен.



Йылмым тунемыт, тұвырам аралат



«Жилэклэр» («Ягодки») куштышо коллектив.

Марий Элыште 37 түжем утла татар ила. Калык йўлам, йылмым аралымаште Татар тұвыра рўдер кугу пашам шукта. Тудо Йошкар-Олаште 1997 ийыште почылтын. Төнежын илышыж нерген вуйлатышыже И.З.Гайсин дене мутым вашталтышна.

– Рўдерыште кум вокал студий, куштышо да күсле дене шоктышо ансамбль-влак улыт. Йылмым тунемаш кумылан-шамычлан курсым эртарена. Кучедалмаш дека шўманше-влаклан посна пөлемым ойыренна. Төнежыште 300 наре ўдыр-рвезе шуаралтеш, усталыкым пога. Ятырын Йошкар-Ола да Медведево район гыч улыт. Икмьняр

йоча Звенигово район Шолэнер гыч кудалыштеш.

Телым кече эн күшнө лийме жапыште Нардуган пайремым эртарена, Навруз дене шошым вашлийына, Ураза-байрам дене Рамадан тылзым мучашлена. Ий еда Йоча Сабантуйым пайремлена. Ик эн кугу мероприятийлан куштышо-влак кокласе «Шома бас» («Легко танцую») тўнямбал фестивальым шотлаш лиеш. Эртыше ийын тудо 2 түжем участником поген. Тений ты таңасымаш 18-19 апрельыште лиеш, – палдарыш Ильгис Зайнулгарабович.

Фотом рўдерын архивше гыч налме.

Зилант нерген легенде

Озан олаште ятыр вере шулдыран драконным але кишкым ушештарыше сўретым, скульптурым ужаш лиеш. Тиде Зилант.

Шукерте ожно Татарстан Республикын рўд-олаже Казанке энгер сerryште, курык вуйышто, верланен улмаш. Ёдырамаш-шамыч вўдлан кошташ йөсө манын, кугыжалан вуйым шийыныт, олам ўлыкырак верандаш йодыныт.



Шонымашыш шуаш Зилант кишке кугыжа мешаен. Садлан калык пыжашыжым йўлалтен. Тыге Зилант Джилан курыкыш чонештен күзен. Кужу жап тудо ола ўмбақ кержалтын.

Икана кугу кредалмаште верысе батыр тудым сенен. Вес легенде почеш, шыдешкыше Зилант поремын да Озаным туткар дечшке кумылын аралаш тўнгалын.



Сылне ўдыр

Мыйын лўмем – Гузель. Тюрк йылме гыч кусараш гын, «йытыра», «сылне» манмым ончыкта. Чуррий дене веле огыл, чон денат мотор, поро лийман. Лўмем шкешамым (самосознание) умылаш, калыкемын тұвыраж дека лишкырак лияш полша. Снимкыште мыйым пырля тунеме Айзилия йолташем дене ужыда. Тудын лўмжө «тылзе гай волгыдо» манын кусаралтеш.

Гузель САФИНА.
Параньга школ.
Оля МОШКИНАН фотожо.

• Палаш онгай •

Ў Тўнямбалне 7 миллион наре татар ила, 5,5 миллион – Россияыште.

- Ў Калык кучедалмаш – корэш.
- Ў Чак-чак, эчпочмак, шурпа – кумдан палыме татар калык кочкыш.

• Изги озавате •

Шөран чай

Татар-влак шөран чайым йўаш йөрлатат. Тудым ышташ кўлыт: 1 совла лышаташан шем чай, 300 мл вўд, 300 мл шөр, 2 чывыштыш шинчал, 25 г ушкал ўй.

Шолаш пуртымо вўдыш чайым пыштыман, уэш шолтыман. Тулым иземдыман да шөрым ешарыман. Вич минут гыч шинчалым шавалтыман. Чайым йўмө деч ончыч чайгоркаш ўйым пыштыман.

6



Педагогике науко кандидат, Россий Федераций общий образованийын почётан пашаенже, Марий Эл Республикысе образованийын сулло пашаенже, Йошкар-Оласе 21-ше номеран Семёновка школышто туныктышо
О.Н.ВАСЕНИНА
ямдылен.

«СЫЛНЕ ШОШО ПАГЫТ» УРОК

1

Ойлончылаште келшыше шомак-влакым возыза.

... теле почеш ... шошо толеш. Телым лум ... түсан гын, шошым Кайык-влак ... эл гыч шошым чонештен толыт. Шошым пүртүс Пушенгылаште лышташнер ..., шудо ..., икымше пеледыш-влак

2

Шошо календарым ямдылыза. Кажне тылзыште вич пайремым але палемдалтше кечым серыза.

Март – Уярня	Апрель – Вүдшор	Май – Ага
1 уярня – шошо пагыт тўналеш.	1 вүдшор – Воштылчык кече.	9 ага – Сенгымаш кече.
...
...

3

Сўретыште идалыкын могай пагытшым ончыктым? Икмьшяр ойлончым возыза.



5

Калыкмут-влакым руш-лаш кусарыза.

● Шошо кече шояче: шым гана вашталтеш.

● Эр шошо ондала.

● Ик вараксим шошым ок кондо.

● Кайык шошылан куана, йоча – аважлан.

● Шошым толшо кайык телылан ок код.

● Ик шошо кече идалыкым пукша.



4

Текстым лудса. Шошо пеледыш-влакым рушлаш кусарыза.

Онайын шокта шошо пүртүсын ныжыл пеледышыже-влакын лўмышт: лумшўдыр, мўйшудо, кўдыронгыр, кукулўнгў, куквуй, шўртньвуй, сандалшудо. Нуно кызыт пеш шуэн вашлиялтыт. Сандене нуным Йошкар книгаш пуртенят.

6

«Икымше кайык» теме почеш диалогым шуйыза.

- Салам, Миша! Шижыч, кузе шокшо лие? Ынде шошо гаяк!
- Салам лийже, Аня! Чынак, кече шыратен онча, лумжат чыла гаяк шулен пытен.
- А тый колынат, кузе кайык-влак мурат?
- Конешне! Тенгече эрдене шырчык йўкым колынам.
- Тый палет, могай кайык-влак эн ончыч пўртылыт?
- Шемгорак-влак. Нуно эше лум кийыме годымак чонештен толыт.
- ...

7

Шошо кайык нерген план почеш каласкалыза.

1. Кайык лўм.
2. Кугытшо да тўсшў.
3. Кушто ила?
4. Мом кочкеш?
5. Молан тудым эскераш онай?



8

Шошым кайыклар кузе полшаш кўлмў нерген текстым мучашлыза.

Мемнан еш шошо толмылан ончылгоч ямдылалтеш. Ачам шыжымак онгам ямдыла. Шошо велеш ме ачам дене онгам пужарена, пўчкедена. ...



«Шүдө йолташ»

Школыштына «Шүдө йолташ» школ театр пашам ышта. Тудлан школнан выпускникше, Марий Элын калык писательже Мария Илибаеван «Шүдө йолташ» книгажын лүмжым пуэнна. 11 апрельште «Театральный серпантин» районысо фестиваль-конкурс эртаралтын. Тушко меат ушненна. Фести-

валыште «Шүдө йолташ» йомакым модын ончыктенна (снимкыште). Усталыкнам күкшын акленят! «Шочмо йылме дене эн сай спектакль» тагасыште сенгышыш лектынна. Кумыл утыр нөлталтын.

Н.А.БЕЛЯЕВА.

Башкортостан, Балтач, Улыл Иыванай. Фотом школ архив гыч налме.

• Тушто •

? Йүштө деч ок лүд, шошым эн ончыч вашлиеш.

? Лышташ воктене ший онгыр кеча.

19 апрель –

Лумпеледышын кечыже.

Күраш ок лий!

Шошым лум шуленат ок пыте, чодыраште ошо, кына, нарынчалге пеледыш-влак пеледалташ тўналыт. Шокшо лишеммым шижтарат. Нуным эскераш йоратем. Кўрлын налаш ом тошт. Тек умбакыжат пўртўс лонгаште кушкыт да шке моторлыкышт дене кажне эртен кайышым куандарат.

Элеонора НИКИТИНА. Морко, Купсола.



Арсентий АНДРЕЕВЫЙ сўретше. Волжский, Пўтъял.

• Синквейн •

Шошо
Мотор, вўдан.
Тўзлана, пеледеш, куандара.
Кайык-влак сылне мурым мурат.
Пагыт.

Кира ЛЕОНТЬЕВА. Волжский, Пўтъял школ пеленысе Йоча ұсталык пўрт.

Историйым шергалына



1242 ий 18 апрель-ыште Александр Невский князьын вуйлатыме руш воин-влак Чудской ерыште Ий ўмбалне крдалмаште немыч рыцарь-шамычым сенгенят.

18 апрель Российыште Воин чап кече семын палемдалтеш.

1783 ий 19 апрельыште Крым, Таманьым да Кубаньым Россий империйын составышкыже пуртенят.

Йоратен лудам

Мый «Ямде лий» газетым 1-ше класс гыч налаш тўналынам. Мыланем тушто тўрлў заданий келша. Туштым шонаш йоратем, кроссвордлан вашмутым кычалам. Шкеже сўретлаш кумылан улам. Йоча-шамычын возымо йомакыштым лудам. Ончыкыжымат газетлан подпискым ыштем. Теат, ўдыр-рвезе-влак, йоча газет дене кылым кучыза.

Мама ЕВДОКИМОВА. Волжский, Карай.

М.ШКЕТАН ЛЎМЕШ МАРИЙ КУГЫЖАНЫШ ДРАМЕ ТЕАТР

ПРЕМЬЕР: 25, 26 АПРЕЛЬ

Геннадий Гордеев
ПАЛАНТАЙ
(спектакль-концерт)
16:00

Режиссер-постановщик - Роман Алексеев
Композитор - Григорий Архипов
Видеосурет - Алексей Кузнецов
Художник-постановщик - Сергей Таныгин
Вургем сўретче - Лариса Воробьева

Рекламе.

Театрын тўг режиссеро — Марий Элын калык артистше Роман Алексеев

12+ 16

8(8362)78-13-78 SHKETA.N.RU



0+

Марий Эл Республикысе «Марий Эл» увер агентстве» КАУ.
Директор – Е.И.КУЗНЕЦОВ.
Тўг редактор – А.Н.ГРИГОРЬЕВА.

Индекс П4696.
Тираж 1500 экз.
Заказ
Формат – А-4-8.

Учредитель-влак:
Марий Эл Республикысе Тўвыра, печат да калык-влакын пашашт шотышто министерстве, Марий Эл Республикысе «Марий Эл» увер агентстве» КАУ.

Редакций да издатель: Марий Эл Республикысе «Марий Эл» увер агентстве» КАУ, 424006, Йошкар-Ола, СССР Вооружённый Вийын 70-ше идалькыше урем, 20-шо пўрт. Тел. 8(8362) 45-22-82.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Печатьыш пумы жап – 14-00, фактически – 13-00.

Авторын да редакцийын шонымашышт тўрлў лийын кертыт. Серыш-влак мўнггеш огыт колталт. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru (автор-влаклан)
Сайтын адресше: ямделий.рф

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01404, 2023 ий 22 сентябрьыште пумы.

У конкурс



Злата ЯРКЕЕВА.
Башкортостан, Краснокам, Музек.




Анна АБРАМОВА ден
Юлиа НИКОЛАЕВА.
Кужэнгер, Шүдымарий.



Амина ШИТАГОВА ден
Варвара ВОЛКОВА.
Йошкар-Ола, 61-ше номеран «Теремок» йочасад.

Кроссворд

Тиде серызе 2 апрельште шочын. Йоча-влаклан шуко йомакым пöлеклен. Могай йомак-влак нерген ойлалтмым пален налыда гын, кўшыч ўлыкö серызын фамилийже лектеш.



1. Тиде йомакыште кайык еш нерген ойлалтеш.

2. Салтак нерген кумдан палыме йомак.

3. Эльфлан марлан лекмекеже, тиде ўдырым Майя манын лўмденыт.

- 4. Вашке кушкаш шонышо пушенге нерген йомак.
- 5. Тўн героине тенызыште ачаже, коваже да вич шўжарже дене пырля илен.
- 6. Тиде йомак сылне йўкан кайык нерген.
- 7. Тиде произведенийыште тўн герой эн поро. Тудо омо гоч йоча-влаклан йомакысе сай илыш нерген каласкала.
- 8. Икымше шошо пеледышлан пöлеклалтше йомак.

7-ше классыште тунемше-влак.
Волжский, Сотнур.

Кайыклан игыже-влак деке миен шўаш полшыза.



Сўретым ончен, урым чиялтыза.

